

Item, si ha per alcune vie, che il re di romani vol venir in aiuto dil signor Lodovico, et esser spirà la trieva fè con il re di Franza; *tamen* non si vede movesta.

Di Ungaria, di Francesco da la Zuecha, secretario, data a Buda, a di 4 et 5. Come l'oratori dil turcho, venuti, haveano portà per la terra uno presente mandava il Signor al re, zoè do poti, et . . . taze; qual presente è stà piccolo, e il re à 'buto mal.

Item, si aspectava do oratori dil re di romani. *Item*, lo episcopo, legato dil papa, era stato im Polana; e, tornato, dice quel re esser dispositissimo di andar contra turchi. *Item*, quel francese, nepote di l'orator morto, tornava, et il re lo havia fato cavalier. *Item*, per quella di 5, scrive esser zonti li do oratori dil re di romani, et di l'armata fa il turco et exercito terestre, qual questo anno *omnino* vol venir in Italia, et non arà contrasto, come non have Scander bassà in Friul, et che solicitava li soi oratori a tornar: li qual il re non voleva, *imo* li teniva con custodia; si che di Ungaria è bone letere, e il re aspectava con desiderio la venuta di do oratori, li quali si parteno, et vano con uno gripo a Segna; et partino a di . . . de l'istante de qui, e va per mar.

Et fu preso di far uno pagador per pregadi, per eletion di la bancha, e do man di election, con ducati 60 al mexe per spexe; meni un rasonato et . . . cavali a suo spexe. Et questo fo, atento le pregierie era stà fate in colegio. Et cussì fu fato eletion, e li tolti sarano qui sotto posti, nè altro in questo zorno fu fato, ni nium di savij balotò ditto pagador, perchè stetano in camera dil principe a consultar cosse di mar, e provision voleno far. Et sier Marco Sanudo, avogador di comun, andoe a la bancha come consier, et mi tolse, *me nolente*.

Electo pagador in campo.

Sier Zuam Moro, el cassier, <i>quondam</i>	
sier Baldisera, <i>quondam</i> sier Zuan,	
procurator	68. 93
Sier Homobon Griti, fo 40, <i>quondam</i>	
sier Batista	55.105
Sier Alvixe Bon, <i>quondam</i> sier Andrea,	
da San Canziam	27.133
Sier Zuam Nadal, fo cao di sestier, <i>quondam</i>	
sier Bernardo	14.141
Sier Daniel Dandolo, fo zudexe di fore-	
stier, <i>quondam</i> sier Hironimo	62. 93
† Sier Vido Morexini, fo pagador in cam-	
po, <i>quondam</i> sier Nicolò	84. 76

Sier Jacomo Contarini, el provedador	
sora l' armar, de sier Piero	70. 85
Sier Marco Trivixam, fo 40 zivil, <i>quondam</i>	
sier Silvestro	48.114
Sier Hironimo Zorzi, <i>quondam</i> sier An-	
drea, da San Marcuola	52.108
Sier Nicolò Malipiero, <i>quondam</i> sier To-	
maxo	46.109
Sier Marin Sanudo, fo savio ai ordeni,	
<i>quondam</i> sier Lunardo	56.104
Sier Sigismondo di Cavali, fo pagador in	
campo, de sier Nicolò	52.109
Sier Lorenzo Loredam, fo soracomito,	
<i>quondam</i> sier Piero	62. 91
Sier Lunardo Emo, <i>quondam</i> sier Zuam,	
el cavalier	52.109
Sier Thomà Donado, <i>quondam</i> sier Ni-	
colò	33.128
Sier Pexaro da cha' da Pexaro, el 40,	
<i>quondam</i> sier Francesco	68. 89

Da Budoa. Si have aviso come el conte Zorzi ⁴⁴ Zernovich era passato, vestito a modo frate, et scampato al turcho; la qual nova *fortasse* più di sotto scriverò copioso.

Et è da saper, a di 6 zener, par che Alvixe Mamenti, secretario nostro, stato dal zeneral, montasse su uno gripo, et abuto salvo conduto, andava al signor turcho, qual è a Philipopuli, *saltem* da Fait bassà, ch' è a Nepanto.

A di 18 fevrer, da matina. Fo ditto una nova, la qual poi non reusite: come el signor Octavian, fo fiol dil conte Hironimo, era intrato in Forli, fato gran occision de soi rebeli; et Frachasso con zente veniva ivi; *tamen, nihil fuit.* Et la madre era in la rocha di Cisena, *ut dicitur*, graveda in mexi 6, et il ducha la volea mandar a Roma.

In questa matina, fui fato comandar, per Simon, fante di avogadori, a requisition di tutti tre, per damatina a gran conseio, come *olim* savio ai ordeni. E cussì fu fato a tutti i altri fo in la comission dil capetanio zeneral. E questo per taiar uno articulo, che sier Antonio Grimani sia comesso a li avogadori, et si debbi presentar a le prexon, et con quel si haverà si debi vegnir a questo conseio, zoè el pregadi. Et per taiar questo ponto, vol poi menarlo a gran conseio. Et cussì, andato in colegio lui sollo; prima dimandoe el gran conseio per la matina, qual li consieri non lo volseno dar, e li messe pena 100 ducati per uno; et mandati per li compagni, fo gran baruffa. Et li compagni disseno non esser di opi-